


井之堂稿

地


井之堂稿

共六

内閣文庫		
番號	和 26241	
冊數	3 ( 2 )	
函號	205	187



糊などで貼り付けられている部分がめくれない箇所あり



井井堂稿

序跋

呂氏算書序

淺草文庫

夫數者六藝之一而其用廣大矣傳曰物  
生而後有象象而後有滋滋而後有數然  
則天地初形人物既著算數之事生矣為  
其法也肇於隸首而詳於商高周公世之  
所傳九章是也所謂九章者何也曰方田

也粟布也衰分也少廣也商功也均輸也  
盈朒也方程也勾股也是此九法以推天  
文以策地理以計人事大則百千萬億兆  
經姦補小則忽絲分寸圭抄索銖可立而  
談也可坐而策也本朝振舌通算術者不  
爲不多朝廷置四道博士而居其一于善  
氏世傳之非尚其道乎故自天度歷紀以  
暨井田廩稅無不彰明無不較著今人辨

明之者鮮矣余友野呂氏武人也仕宦之  
暇有志算學沉思潛心積日累年遂究其  
微旨也嘗告余曰夫算者乘除有常見簡  
即用見繁即變不膠一法乃爲通術然近  
世算家者流從事便易漫涉捷徑如用之  
一方則猶可也而推之萬殊羸朒無方豈  
非失之毫釐差以千里者乎我欲據其正  
術而編算法也頃日編成需爲之序余不

獲固辭以首肯焉然而公務居多未遑詳  
觀其書姑記野呂氏之平日所語以塞其  
詰後人有憑此書得其旨而知彼似是之  
非則於作者之心亦庶幾乎見者篤志焉

釋名便覽序

自古神農氏之嘗百草鑿藥昉于此蓋醫  
之爲道也用之足自衛身推之可以濟世  
其稱仁術不亦宜乎然道有體用窮探素

靈之蹟神聖二巧以立其本者體也旁通  
本草之微君臣佐使以治其疾者用也余  
故曰不察素靈豈醫云乎不識本草豈醫  
云乎知體而不知用非醫也知用而不知  
體亦非醫也體用一源顯微無間而後十  
全之功可以獲焉是故古之良士以本草  
當務爲急自神農本經以下相雷李吳陶  
徐諸賢皆有本草其餘頗不可枚數厥後

楚李東壁著本草綱目艾醫系補缺列部分  
類定爲八千一百六十種總據正名附釋  
別號其寡者或一二其多者至五六或二  
物而同名或子根而異號抑藥之有別號  
猶人之有字與號人之執交也其親未至  
知字號而能知其情之有哉醫之知藥名  
復如此其名號猶未審之昌識其平毒溫  
寒矣彼別號異名散滿他書不爲不多而

當用衷手者示鮮矣松軒長喜澁君長怡  
之嫡子也澁君以昭代之良醫辱賜官祿  
松軒夙勵爲求衣之志允執精勤之業上自  
軒岐下逮諸家方書無不諳見又嘗研精  
本草綱目患其別號之難辯揭倭字以爲  
標而列各名上字之音聲相叶者附于其  
下輯作三卷頃日編成需序于余并請命  
之余雖不識方術而閱其書甚便觀覽因

名<sup>テ</sup>曰<sup>フ</sup>釋名便覽觀者憑斯書而解得之則  
於<sup>レ</sup>刀圭之要其過半矣

野服正制題辭

予朱子晚年着野服見客嘗稱呂原明之  
言從趙季仁之制事載于文公年譜羅氏  
五露然年譜略而未盡五露雖寢備而其  
言簡矣余患其制難詳因是揭五露本文  
附註於其下詳者并按深衣道服之制

蒐輯當時鉅儒之定論間竊附管見以  
爲成式圖繪于後便觀覽也允幾易不措  
方得脫藁於是就正于弘文學士林先生  
損益踈冗庶俾考古者有所折衷云寬文  
甲辰三月既望懋齋野傳題

題後數年會明徵士舜水朱先生來本  
朝遊事我君余陶炙久矣懇求改削之  
先生指點無隱完補罅漏於是始慙素

願深以爲幸丁未之夏野傳書于武州  
不忍池上寓舍  
衣用黃白青皆可

衣用黃或白或青亦可○按深衣制  
衣全四幅由是則野服之衣名且四  
幅或曰用紗及帛制之本文不言袂  
我嘗見朱子畫像野服而立其袂廣  
大長與襟齊且按道服制度其袖之  
長可以以肘因是則袂又用全幅度  
全一衣之制云

直領而帶結之

直領與官領異故謂之直領非對衿  
之謂也而帶者兩衿當腰之處及左  
脇袂下內邊右脇袂下外邊各綴小  
帶穿着之際右衿之末斜交于左脇  
而一帶結之左衿之末斜交于右脇



而一帶結之○或曰設兩帶者不繫  
大帶之時可結之已繫大帶則不結  
兩帶亦可是所以為便服也

緣以皂如道服

緣用皂絹為之領袂口及齊皆用二  
寸半許如道服也

長與膝齊

其長及膝也。是為上衣

裳必用黃中及兩旁皆四幅

裳必用黃色也。中及兩旁者言自中  
而及兩旁也。裳制當膝處為馬面。內  
外各一。一邊自中歷右而至于背。一  
邊自中歷左而至于背。亦內外皆有  
馬面○裳亦用皂可

不相屬

屬連屬也。言裳之左右各開對拵於

胸與此故不相屬耳或謂與深衣制  
衣下屬裳裳上屬衣之屬同義不相  
屬言上衣與下裳不相連屬也所謂  
衣長與膝齊則豈有衣裳相屬之理  
哉

頭帶皆用一色取黃裳之義也

頭裳頭也帶裳頭之小帶也言頭帶  
皆用黃色以恥勿黃裳元吉之義所

謂文得中也。是為下裳。

別以白絹為大帶兩旁以青或皂緣之

別以白絹為大帶用青絹或皂絹緣

紳之兩旁及下其制宜從朱子家禮

見儕輩則繫帶見卑者則否謂之野服

又謂之便服

以間居對朝廷則野也所以有野服  
之名且貴客則束帶足以為禮見卑

紉則解帶足以燕居故又名便服也

圖并裁衣裳法載于朱氏談綺

柳絮詩序

夫青帝龍駕之末節墨客雅筵之勝遊宿  
雨初晴惠風和暢暖霞靄靄麗日遲遲庭  
散柳花蘇堤縮地溪點荷葉杜徑鋪氈輕  
輕雪翻探及冬景於牆外片片風遶粘看  
春泥于園中浮水為津飛空無蒂粉蝶共

與奏舞黃鳥於此發歌是日也豈無絲竹  
之聲乎無比興之詠乎故勒十千之字以  
為韻或屈八叉之手而為吟遂命僕作序  
不獲峻拒漫揮短毫云爾

送春序

丁巳三月盡日

九旬之春將行言秣龍駕載脂螺車野子  
簞食瓢飲送之於薄暮之天長嘯曰四時  
之幹旋也如環無端終而又始故春生夏

長秋收冬歲四德各有所宰而不得缺一  
非此四德則草也木也無遂生成之由  
也木也不遂生成之由則人無得頤養之  
實然唯以春為青眼者何也蓋春之於五  
常為仁溫潤和暖既無坐醜之蒸暑又無  
砭肌之祁寒况無秋殺嚴厲之氣乎梅磨  
蒨歲以頌時於殘臘日霞簇凍解而韶華  
變黷四表自是以陰紅紫如錦風敲蜀江

之浪粉白裁羅笠戴弄夫之雪芳草茁于  
池塘茸茸成茵柳絮糝於幽徑淡淡鋪糴  
當是之時也鶯語蝶戲山笑谷應一草不  
花春猶有恨然則物之無情尚得識天真  
况於人乎故自貴介公子暨鄙夫細民乘  
車跨馬着履扶杖開筵盤樂含觴痛飲或  
綴古雅之句或吟國風之歌膏雨細細濕  
衣無厭惠風剪剪吹面不寒翫遊絲於靜

日恨落英之夕陽夜宴繼晷更深秉燭掬  
水弄溶溶之月倚欄看重重之影誇刻千  
金唱香滿衣既而三分為塵一春已暮晚  
風悽然花亦洒淚吾貧無儲侍之具拙之  
雅頌之才然而每春幽賞頗不比月花乃感  
光陰過客載肉崇酒送其往矣

春秋備考序

羅山林先生嘗稱惟高藤先生之言語我方

家公曰讀易久則如自暗室出于露臺彌  
久彌剛讀春秋久則如暗室而入屋漏彌  
熟彌暗傳聞之家公竊以易之為書文王  
演伏犧之卦周公推本文王亦演伏犧之  
爻孔子作十翼折衷乎三聖人卦爻之理  
釋然而解且易象數也察其象推其數則  
思過半矣春秋也者成於孔子一人之筆  
削而游夏尚不能贊一辭一字褒貶辭微

指博然無後來繼之之聖孟軻氏雖發明  
之僅舉其綱領而已自是以降屬辭比事  
即詞觀義者不可選紀然聖人之蘊奧深  
遠不容窺其涯涘如王氏之學以為斷爛  
朝報而貢舉不以設官取士最為誤焉大  
允此書或抑或縱或予或奪或進或退或  
微或顯而得乎義理之安是非之公夫學  
之者可必優遊涵詠默識心通然後能造

其微自胡文定公出會通二經蠹食三傳  
啖嚙子史而作集傳於是聖人之用百王  
之法粲然而明赫然以顯家公推尊集傳  
屢講春秋終篇者再年老自眇每為弟子  
使傳說之親在側而聞之其每講也集傳  
之來處諸子之註釋所有助者悉寫其釐  
頭及註文之傍家公既沒手澤尚存傳嘗  
欲輯為一書而公事紛拏未敢果焉近歲

辱奉教命聊蒙親近日日出仕官司頗廢  
學業一日一二之同志來見家公遺書勵  
傳曰先師勤矣子嗣芳躅有年于茲何不  
抄出而成書乎若欲編之吾曹亦携一二  
卷爲子戮力於是傳啟罔靡徒發憤起筆  
每有官暇或寫一句一章雖隻字半畫不  
假他手積歲而僦功卷數十二名曰春秋  
備考因謝嚮所勸之同志曰誠微子言殆

不終業同志遷延而辭避或謂先師嘗作  
五經童子問未滿意而焚之今子所輯錄  
乃先師之所抄粹也然則名之曰童子問  
不亦可歟傳答曰子言誠是然傳謏學謏  
聞其所編集未知稱家公之意否唯備乎  
讀胡傳者之考而已傳幸生于昌平之代  
浴于文教之化才雖以此罷駑目頗免爲  
石勒初學之士得以此編爲階而登魯臺

不亦樂乎

跋莊子口義棧航

棧者何閣木棧山嶮也航者何剡木航海  
洋也斯棧也斯航也而後口義之高深可  
以窺測也所音釋陸德明林希逸之解也  
所分註六經及諸子百家之文也彼遊乎  
赤水登乎崑崙者尚亦有利哉至其訓點  
亦多質正叟口讀傳手寫卒脫其藁叟已

沒傳恐其書腐蠹故繡之梓而壽其傳叟  
者誰名壹字道生號卜幽軒也

跋東見記

羅山林先生命世之才也於其學也上自  
六經下至子史暨本朝古記無不該讀故  
有叩之者答如鐘之應筵初家君在洛欣  
慕先生之風既來東武執贄謁見退公之  
暇挾冊問字先生與其篤信不懈叮嚀教



誨自是以來擬策問對之場講習討論之  
席花朝月夜陶炙有年因用冊子劄記先  
生所語本朝異邦之故事模倣呂與叔東  
見錄而自作序題曰東見記方今依剞劂  
氏之請登梓以貽後葉云

### 跋林塘集

林塘集者家君卜幽軒遺稿也君嘗命傳  
曰余自志學潛心六經不識作詩爲文比

壯頗屬詩文而性拙不巧文思爲不必修  
飾推敲唯感物言志而已余平日所著文  
及詩有數十卷若得暇日是正以屬汝矣  
自後適有火災藁本忽爲烏有君亦尋卒  
然君所言諄諄乎恰如提耳傳才微學寡  
校君遺書恐有金根菟裘之謬不果多年  
而今蒐輯其遺稿得文二十餘篇詩百數  
十首鱗次以爲二卷名曰林塘集林塘乃

君之別號也。於是請整字林公爲之序。從  
兄軍卿亦作叙傳傳遂手親書全篇以鏤  
之梓。非敢當高明達識之觀冀俾子孫思  
先人之勉學也。於是乎跋。

書

寄宅坤德書

傳白數目不接芝眉伏惟足下體履佳勝  
比聞幕下令天下止殉矣。是撫四海傷萬  
民之善緒也。原夫上古葬以芻靈爲從衛  
中古易之以俑及其流弊秦武公沒從死  
者六十六人。至獻公止之。雖穆公之賢不  
免弊習。遂用百七十七人而奄息仲行鍼

虎與焉三子皆國之良而一旦殲之是黃  
鳥之哀所以興也其後始皇之葬後宮皆  
從死工匠生閉墓中尚何怪哉宜矣仲尼  
曰始作俑者其無後乎爲其象人而用之  
也我朝之昔頗欲效之當垂仁朝止之中  
間復習爲常延及昨今然往年水戸先公  
薨遺言謂嗣侯必勿從死是我素志也屬  
續之後嗣侯禁之而志殉者曰公事無監

豈爲違命雖然惟蓀多恩不報以死我曹  
禽獸也禽獸不忍爲之敢固請焉嗣侯曰  
是乃先公之志而我傳命我實先公之嗣  
子也汝曹將從死之心而仕我先公豈爲  
汝曹有黑心哉不隨遺命又背我言何面  
目見先公於地下然則死亦胡黨之乎故  
我諄諄諭之於是各不能對以服事矣是  
天下所以旁議而中興之權輿也陰謂幕

下之所令實嚮先公之遺風也非乎是知  
嗣侯修學好古聰明拔群之故已餘慶逮  
山野不耐抃躍尚期黎元鼓腹之日共聞  
擊壤之歌延頸而俟徽雨新晴薰嵐涸泥  
枉玉一來萬布面頌不悉

奉竹洞主人書

傳頓頭言孔子有云苗而不秀者有矣夫  
秀而不實者有矣夫是貴自勉之謂也

夫尊父嘗應官命奉仕幕府以醫名世足  
下自幼好學生稟篤實事父母而致孝事  
師友以盡禮常謂不知易豈云醫乎素問  
奧義難經簡古非我儒不克讀之故洞視  
群史旁通諸子親炙于羅山林先生辨義  
質疑先生愛其雅才詩席文簞講習討論  
皆令足下闕焉往歲雞林官使來足下從  
向陽讀耕二先生面覲文談世人之所矧

知也。可謂苗而秀者也。爾來覃思日懷其德。孜孜不怠。表表愈偉。于花于鳥。有玩弄之吟。于雪于月。作嘯詠之章。綴語腹藁。屈宋之奇崛。手筆宿構。陶謝之碎金。今茲辛丑。閏八月。辱被選擇。排向陽先生之班。先生當世鴻儒也。足下未至而立。與斯人肩從。以文行夙成。才識卓越也。可謂秀而實者也。且喜足下始以儒立身。令弟亦幹父之蠶。則伯仲共有連璧之譽。君慎旃哉。傳初在浴。杳聞芳聲。今來東武。親接手標。欣抃曷勝。而智惠懸隔。猶草有薰蕕。水有涇渭。嗚呼。足下我門之上客也。傳雖不敏。不宜默默而止。謹述鄙誠。伏祈昭鑒。傳頓頭言。

寄舜水朱先生書

古曰。敬勝怠者吉。怠勝敬者滅。敬則萬善。

立<sup>ツ</sup>怠<sup>キ</sup>則<sup>レ</sup>萬善廢蓋<sup>ス</sup>周<sup>文</sup>小<sup>心</sup>所以<sup>レ</sup>萬善之  
立也殷<sup>紂</sup>作<sup>暴</sup>所以<sup>レ</sup>萬善之廢也伏<sup>惟</sup>我  
大君位高身貴以<sup>レ</sup>居<sup>權</sup>要<sup>天</sup>資<sup>寬</sup>仁<sup>才</sup>幹  
兼<sup>人</sup>上<sup>蒐</sup>六<sup>藝</sup>之<sup>文</sup>下<sup>獵</sup>百<sup>家</sup>之<sup>書</sup>種<sup>學</sup>  
績<sup>文</sup>懷<sup>道</sup>守<sup>義</sup>曾<sup>幹</sup>先<sup>君</sup>之<sup>蠱</sup>撫<sup>事</sup>戰<sup>慄</sup>  
夙<sup>夜</sup>無<sup>怠</sup>仁<sup>政</sup>遍<sup>于</sup>闔<sup>境</sup>芳<sup>聲</sup>冠<sup>于</sup>當<sup>代</sup>  
勉<sup>彊</sup>好<sup>古</sup>恭<sup>莊</sup>愛<sup>士</sup>廷<sup>無</sup>誹<sup>謗</sup>野<sup>無</sup>遺<sup>賢</sup>  
茲<sup>補</sup>國<sup>史</sup>之<sup>缺</sup>將<sup>興</sup>庠<sup>序</sup>之<sup>廢</sup>賑<sup>貧</sup>寔<sup>以</sup>  
恤<sup>孤</sup>賜<sup>以</sup>杖<sup>而</sup>養<sup>老</sup>黔<sup>首</sup>喜<sup>耕</sup>于<sup>野</sup>工<sup>商</sup>  
願<sup>立</sup>于<sup>市</sup>闔<sup>國</sup>繁<sup>榮</sup>可<sup>以</sup>知<sup>矣</sup>傳<sup>愚</sup>庸<sup>難</sup>  
窺<sup>闈</sup>奧<sup>而</sup>鳳<sup>凰</sup>芝<sup>艸</sup>賢<sup>惠</sup>皆<sup>以</sup>爲<sup>美</sup>瑞<sup>豈</sup>  
自<sup>欺</sup>哉上<sup>閣</sup>下<sup>啓</sup>訓<sup>辭</sup>至<sup>懇</sup>命<sup>傳</sup>答<sup>謝</sup>焉  
茲<sup>吐</sup>露<sup>鄙</sup>誠<sup>以</sup>贅<sup>之</sup>不<sup>宣</sup>

復弘文學士林先生書

十月十二日傳再拜本月初八日辱惠琅  
翰拜讀數矣如侍玉樹之前就審貴恙良

已欣慰幸甚。一別以來，奔走官路，息踵不暇。故未獲裁書奉候。清履罪更甚矣。不意辱函書之賜，欣悚兼至。抑呈寡君封翰，扳援古昔詞義，高遠三四讀，尚難窺測。焉寡君圭復不置，益深勤企。時會舍郭外，即今促歸無遑。回報命僕謝之。特維祁寒，願調護珍重。傳再拜。

答議慶般書

辱蒙教諭副以挽詞一章。圭復數回就想。某罪迷深重，不自死滅。禍延先妣，泣血號天。歎歎不可禁。皇皇仰望，如耳其聲。如目其貌。雖然生前反面，死後撫棺，亦幸而已。忽得慰問，澆胸磊塊，厚意豈虛辱之。然後喪不耐言。詩故不賡之。東歸亦在邇。哀慟別情兼至。涕泗交頤。系迷不次。足下憐察之。萬容面布。且謝且答。

寄人乞筆書

八月六日絳縣陳子墨再拜致書前中書  
令宣城毛生足下夙仰芳聲渴望惟久更  
懷慕蘭徒切識荆僕初浮海時相伴數輩  
各自離散分附東西僕與一西輩寄寓館  
主幸以知字撰舉我儕爲客鄉親寵焉矣  
然僕絳人也絳縣之產雖不如弘農之壽  
又稍延年如僕及頽齡待斃以月然猶矍  
鑠與諸友涵泳紫潭優游剡溪仰尼山月  
對經史花比年我友頽子頭禿腰痠不能  
昂列文簞寢尸一房曾聞足下乘桴投來  
喜溢眉宇冀得一聽聲咳伏以足下之先  
君佐禹治東土封于卯地以降管城侯彊  
記便敏自上一人下及國人無不受重而  
辱與僕曩祖松滋侯結交友善然則僕與  
足下有通家之親同遊于異域足下不以



我無似一舉玉趾蒙過環堵携手文苑挹  
袂詞林乘興遣情曷樂加之惟時新涼入  
郊牆紫可親拂烏絲欄以竢焉不宣陳子  
墨再拜

贈人酒書

初二日宣城毛尖頓首白弘農陶生足下  
踈迷光霽懷為王玄襟三秋之想不能已矣  
問動止安閑僕嘗避本邦之亂飄零海外  
不知依託恍乎若或失之足下器度端方  
中心坦然玉德金聲玄默堅潤假我恩澤  
深情如澥令僕寓于井丈人丈人愛僕尤  
切而未任一事僕以無能過受渥寵退顧  
為歎不意以丈人之推薦得仕館主與陳  
客卿共仕職事使掌書記僕雖使頭禿神  
竭敢惜精力乎故日侍文房無有閑暇加  
之頃日館主有族喪僕等陪從左右頗為

勉慰是以不獲趨候特借壺公縮地符附  
遣麴道士以問起居道士南都人也其性  
風雅使人能醉其德故無貴賤老少渴慕  
傾情宛如故青州從事我族猩猩翁嘗親  
寵之呼號歡伯僕以其舊知每會為歡盡  
樂今价寄言慰案下之寂閨將適足下之  
口語否伏惟亮恕侍弟宣城毛尖頓首

哀辭祭文

升堂集卷之八告詞

嗚呼尊靈性質婉婉惻隱愛人老少能懷  
九族斯睦曾住人間六十九年生我劬勞  
提攜捧負念寒而衣念饑以食僕十有一  
而出就季父學醫術有年性嗜學之癖  
負笈擔囊去洛居東武是乃尊靈之所許  
也嗚呼不意一旦尊靈寢食違常遂有膏

勉慰是以不獲趨候特借壺公縮地符附  
遣麴道士以問起居道士南都人也其性  
風雅使人能醉其德故無貴賤老少渴慕  
傾情宛如故青州從事我族猩猩翁嘗親  
罷之呼號歡伯僕以其舊知每會為歡盡  
樂今价寄言慰案下之寂閨將適足下之  
口語否伏惟亮恕侍弟宣城毛尖頓首

哀辭祭文

先妣人見氏告詞

嗚呼尊靈性質婉婉惻隱愛人老少能懷  
九族斯睦曾住人間六十九年生我的勞  
提攜捧負念寒而衣念饑以食僕十有一  
而出就季父學醫術有年性有嗜學之癖  
負笈擔囊去洛居東武是乃尊靈之所許  
也嗚呼不意一旦尊靈寢食違常遂有膏

旨之患。今春遙聞沈痾無聊。趨奔跋躓數日而歸。晤語底豫如夢。一覺已侍慈闈。五日永訣。終天嗚呼。反面之日。取僕手曰。舊臘我將死。而得病間。是汝來也乎。僕往歲東行也。正月廿二日。而今尊靈屬纊。亦當此月日。何爲同耶。彼則生別而有再會之期。此則永歸而無復來之時。何爲不相同耶。悲哉痛哉。生不借居病。不當藥。虧定省。凡六年常抱仁傑望雲之思。徒耻陽城歸養之言。寤辟泣血。無所逃罪也。嗚呼。逝者不可追。齊衰期者不敢不及。家君縱爾襄事。墳墓已營。羊胛光陰。彌旬如瞥。官仕羈絆。席不暇煖。邇日敬持遺體。將赴東土。不勝悲切感慕之至。洒掃封塋。祇薦清酌。庶羞以告別。伏惟恩靈如在。鑒此哀誠。

先妣野孺人小祥哀辭

傳本生先妣野孺人。生于洛陽。終于洛陽。  
春秋六十有九。傳自幼及長。劬勞鞠育者。  
二十餘年。徃歲就學東武。離膝下。奄忽。  
六載。孺人一旦卧病。傳不得侍奉湯藥。遂  
卒於乙巳春正月二十二日。光陰不居。倏  
爾。屆於小祥。嗚呼。生我之勞。育我之恩。昊天  
罔極。何以報之。追慕感愴。姑爲之辭。以  
哀云。

葆婉婉兮有愉容。逮古稀兮遂三從。性博  
愛兮又溫潤。質循直兮族相親。治閨內兮  
事必肅。勤女紅兮供衣服。凡使子兮教以  
勸。男手筆兮女絲繭。嬰疾疹兮不起床。藥  
徒良兮病膏肓。北堂邊兮風恣吹。萱之茁  
兮忽傷萎。七旬至矣。擬稱觴。親不在兮辭  
洞房。子女泣血兮有弟鳴咽。寔夢不及兮  
終天永訣。歲月逝兮不少留。春露濡兮已

一周。檐梅郁兮花濺淚。魂不還兮增追思。  
黃鳥鳴兮聒我耳。爲何人兮徒喚起。鳥依  
舊兮花再紅。慈闈寂兮獨不同。小祥已屆  
兮。櫛中瞻主篆。煙霽霽兮然。香一炷。幽冥  
杳兮又遠而。靈有知兮知我悲。慈容儼兮  
覩。羹牆烏。庫哀哉何能忘。

題哀辭後

三年之喪。上自一人。下達萬民。所謂通喪  
也。然本朝功令。父母之喪。制服一年。近世  
又不能行。處以五十日已。夫以一年易三  
年。猶以爲短。况五十日乎。至於鄙野之人。  
甚而三十五日。又甚而三十日。而釋吉。可  
謂愛其親乎。自初喪之日。飯僧招賓。醉飽  
宴集。與平日無異。習以爲常。恬不爲怪。若  
夫縉紳先生。志古之士。豈無哀痛慘怛之  
情。豈無素冠素鞵之慕。然不能違俗。亦以

五十日爲居喪之限子生三年然後免於  
父母之懷夫豈不義而孔子言之然則今  
之短喪者率予之流乎抑亦聖人之徒乎  
原夫本朝短喪之始自王子廐作備舉  
國歸佛業懈志倦喪民秉彛遂使浮屠之  
法月盛人倫之道日衰固可傷矣比年天  
主耶蘇之國禁甚厲因欲以佛之道療之  
有一夫一婦不歸於佛吏輒收之以爲天  
主以爲耶蘇故無貴無賤無男無女穀擊  
肩摩履舄交錯詣佛寺禮髻緇闔國四民  
以萬萬數悉淪陷于佛之塗泥墮墜于佛  
之坑穽是猶以烏頭療饑而以膠舟拯溺  
也鮮克濟矣嗟乎人之愚也一至此乎知  
天主之爲害而不知佛之爲害又一天主  
又一耶蘇也所謂前門拒虎後門進狼也  
知天主之爲害而不知佛之害更甚於天

主甚於耶蘇也。所謂以百步之走笑五十步之走也。昔之惑於天主耶蘇也。不過十室中之一人。爾或百室中之二三人。爾固未嘗舉國而從邪也。今乃驅天下而納之於佛。則普天率土。尚有一人之得自免乎迷者。怵於其平日之所爲。艷於其後日之所獲。固老死而不知悔矣。中立者。既入其門。庶其教勢。不得不隨聲附和。人是名是人。非名非矣。上焉者。雖有高才明智卓然。知佛之爲害。然名無計。可以自拔。而淪昏以鋪。已嗚呼慘矣。甚矣。所謂惡齒決之非禮。而矯之以放飯添歡也。矯之以載號載嘍。亂我籩豆也。嗚呼慘亦甚矣。若使國人知歸佛之無益。尋本澄源。則天主之教。何由得施。豈不舉數百年之患害。而彈指驅除之乎。何當事者。處於厝火積薪之下。而



莫之知懼也。抑流俗月忘年忘之說本浮  
圖七七百日之儀蓋人無每月一死之理  
然於人子追遠不忘之情潔齊致祭或亦  
無害然不必作佛事也。至若年忘則有終  
身之喪何舉終身之內以幾年幾年爲節  
謬矣甚矣。即以彼之道言之大藏經五千  
函亦無遠忘之說而本朝古禮初末之間  
及中葉藤通憲死其子欲爲父修十三廻  
之追薦是其權輿乎。尋其所由則出於浮  
屠惑世誣民貪婪視金而爲之也。往歲不  
幸丁內艱賜暇歸洛從家君之命襄事葬  
具用萱堂之豫備者只作櫬槨藏之葬于  
洛之五條鹽竈先塋之側居喪則隨俗例  
用五十日旋來東武以官守在公不能自  
盡也以爲人之後不能自主也。凡朔望俗  
節設神位泣拜而已禮有支子不祭之文。

况傳爲人後者乎。然我兄弟各遊宦異居，  
祀典不幾廢乎。故以紙牌易神主，祭畢焚之，  
亦猶行古之道也。程子曰：不若使之祭，  
猶愈于已。此意可以深長思矣。噫！我居喪，  
也不能稱其服，守禮也。不得致其期，然則  
心喪乎。心喪者，身無衰麻之服，而心有哀  
戚之情，是不藉乎他求者也。今年春正月  
二十二日，爰及小祥，喪將除矣。於是齊戒  
十日，設薦，練祭，惴惴而慄，悠悠而思。昔閔  
子三年喪，畢切切而哀，能自割以禮。如我  
不肖，棘人勞心，因爲哀辭，以摠悲痛之情，  
且以告之同志云爾。

勉亭林君哀辭

勉亭林君，學士老先生之長子也。其爲人，  
也溫潤重厚，孝于家，信于友，自始志學，手  
不釋卷，聖經賢傳，諸子百家，無不窺見。當

世學徒無克出君之右。徃歲老先生奉教  
命修國史。君首就其事。孳孳不懈。三年于  
茲。其功未成而卒。所謂服勤至死也。古人  
有云。善不必壽。惟道之聞。一日爲老。人皆  
及是。百稔猶幼。由是言之。君之早世。是名  
黃耆也。嗟乎。君之卒也。卿士大夫知之不  
知。無不哀戚。况親炙從學者乎。遂哀之以  
辭。

嗟嗟林君。去世何早。賢愚勿必。或壽或夭。  
亾之命矣。更無所禱。嗟嗟林君。幼而岐嶷。  
既自知字。志在翰墨。林焚膏繼晷。勉焉學殖。  
學通史傳。藝該六書。講經義論。彌高屬詩。  
賦志已摠。孝弟忠信。有孚孳如。其能日新。  
其知歲增。彬其英文。才穎著稱。願言道學。  
振宣勃興。赫赫鈞命。國史修之。操觚散帙。  
辨論恢奇。於乎沉痾。遽嬰無由。求藥焜耀。

文彩忽歸冥冥秋風蕭索儒林凋落嗟嗟  
林君惠好我人容衆嘉善教導諄諄遇然  
每相會晤坐聞懸河之論春風秋月以邀  
以嬉一朝蓋棺使人傷悲窀穸有時芥屋  
爰封如聞其聲如見其容涕泗交頤零露  
濃濃嗚呼

弔勉亭林君忌日文

夫白駒過隙駸駸不留榮衰在人箇箇互  
來而昨日傾義無以兩且疇昔清話難期  
再會故以爲可愛者日也無常者人也然  
則半面之識可不忠乎傾蓋之談可無惜  
乎况溢我助我者乎梅洞林君余之師友  
也嚮余在京師聞君之高風渴望年久既  
來東武投刺執謁薰陶親炙于茲八年其  
間有可以喜焉有可以畏焉有可以惜焉  
有可以哀焉君之於余情篤言耳詩筵文

簞必石預之優游晤語仰高錯臥土春花開日  
同伴尋芳之杖秋桂生夕親侍登樓之吟  
每攀韻綴句開未發蒙可謂知遠大者而  
無井蛙之自矜也可以喜者此也君之齡  
筭僅二十四其於學也經史諸子無不槩  
見隨手而讀讀過則記文詩景仰李杜韓  
柳步涉歐蘇黃陳筆翰如流獨出諸儒之  
表徃歲尊父奉鈞命修本朝通鑑課君以

昌泰至久壽修史之暇分館中諸僚設經  
史詩文倭學科講習討論以勵群生君服  
勤不倦以為己任可謂間出之才也可以  
畏者此也豈圖去歲丙午之秋君懼霜露  
寢食違常歷日劇增諸醫束手百術無聊  
嗚呼噫嘻時耶命耶天不假數年編修未  
畢終為易箚之訣可以惜者此也爾後館  
中諸生門下學生坐花無興對月懷舊如

余輩傷心慘目將如之何君之早世人無  
不惜之矧於尊父之哀戚乎唯讀書而消  
長日嘉談以送永夜目不在花月耳不樂  
好音或把君之遺藁而爲淚之從爲覲面  
之話不亦宜乎可以哀者此也雖然公事  
無監尊父吞聲抑淚無倦於勤足成殘課  
以終其功君有知也須斬眉於地下日月  
不居奄及周忌余自夏末患瘧頃自稍愈  
心體表備起卧未寧是以不能詣于墳墓  
竟自閉戶獨坐寂閨追懷往事悽愴無極  
強揮秃毫漫摠哀情

祭土神文

維寬文九年歲次己酉九月辛卯朔越二  
日壬辰常州水戶府備負儒臣野傳敢昭  
告土地神伏惟地之爲德爲坤爲母含弘  
光大柔順斯守資成萬物極天以久厚載

河海至靜而壽其於時也。旺節序之季其  
於色也。呈元吉之瑞於五行則和其水火  
金水於五常則信彼仁義禮智。殷代之盛  
朱堤溢。出得金德。周禮之備九州名山爲  
地鎮方。今相攸於城北。將營一區之版屋  
掃地。剪草。通徑。洗竹。神之保佑。以詒多福。  
不騫不崩。得朋得常。壽福康寧。應地無疆。  
吉蠲爲饔。蘋蘩備儀。謹伸奠獻。神其歆之。

源相公祭丹治信正謚恭子文

維延寶五年歲次丁巳十二月甲辰朔越  
二十二日乙丑水戶侯源光圀以清酌庶  
羞之奠致祭于故老臣朝散大夫東市令  
丹治風軒謚恭子之靈曰。惟靈清標夙成  
茂行斯全。器局廓爾。剛毅魁然。和順不  
褻。厚重而玄。台命傳我。先廟席前。輔弼  
鹽梅。治烹小鮮。室慾遠利。柄政無憲。舉  
朝服善。

闔境稱賢。无妄之疾。刀圭不痊。積日累歲。隱几縣縣。鼎爐當酒。茗茶之前。泉石遣興。詠歌樂焉。說劍譚兵。錄作幾篇。閑居養氣。二十餘年。年高德邵。才俊智圓。嗚呼哀哉。造化所苦。奄忽長眠。失涕龍鐘。往哭屯遭。速隔今古。永訣終天。蕙藻禮奠。桃李吉蠲。子孫請謚。懿懿美應。譔噫靈執禮。御賓迎待。心專。故謂之恭。千載是傳。聊寫哀誠。以告黃泉。嗚呼哀哉。尚饗。

祭明徵士朱先生文

年月日謹以潔牲粢盛敬致祭于故大明徵君文恭朱老先生之靈曰嗟嗟先生族出明室。棣棣德容。彬彬文質。學通六藝。不作而述。道義無餒。秉禮踐實。明室政類。世乏良弼。先生早識。徵辟不出。遭邦多難。輒軻慨慷。乘桴零丁。臨見輝扶。桑游事我君。幾



二十霜臨顧尊齒優禮過望我曹肄業親  
窺初播問禮學文懇款無量忠告善道何  
時而忘嗚呼哀哉一朝永訣音容渺茫良  
日為饗設祭祠堂神其鑒之以來以掌

祭岳翁法橋三好公文

維延寶七年歲次己未十月癸亥朔越二  
十一日癸未子婿野傳謹以酒酌庶羞之  
奠昭祭于丈人故法橋王好公之靈曰公

幼喪親養師舅家及長好文聞道歡呀入  
學足利頗摘藻華天性溫和春氣柔嘉禁  
奢防佚存誠閑邪講醫江府力主業成昔  
囊金匱覃思研精軒岐幽蹟用壽群氓扁  
倉玄術茲起鄉英優社常陽食祿代耕療  
痼治病起死回生聲名彰聞奚爲過情爵  
位期叙衣裳鮮明貴介公子立候送迎公  
之於世極人間榮法橋之選朝之所注食

邑之賞人之所慕公之洒落有而不顧晚  
罹疾病辭禄宦路始我知公爲老成人冰  
語通家夙奉良姻歡洽如志眷撫維新豈  
圖昊天降厲荐臻嗚呼哀哉公住海濱我  
在江濱我君還邦我每扈從相見數月綢  
繆情鍾而恨平生多別少逢自今永訣間  
絕音容公之於家謂五女門四女既嫁季  
將求婚我幸有子母教弟昆知方與數能  
食能言恨公存日未見二孫嗚呼哀哉病  
不嘗藥葬不撫棺官羈維絆惘然昌安鄉  
風哀慟涕泗汎瀾河酌滿觴蘊藻在盤舒  
文洩哀長思漫漫嗚呼哀哉

相公追福靖定夫人諷誦

夫頌曦類魄敢不再晨再圓浮泡犇湍鳥  
有復來復反天地如此人物忽然仰哀塵  
世無常俛嘆死生有命春容幾日秋殺茲

嚴伏維顯妣靖定夫人法號久昌院心周  
日勻婉婉以從勤肅而敬奉先君有婦德  
睦族睦親遇侍婢乃惠和宜家宜室生我  
勞瘁鞠我茲仁計寒以衣其衣慮饑而食  
其食嗚呼哀哉風樹不靜露薤易晞夫人  
一旦寢疾不痊招魂無復寔宅夕永訣居室  
于歸川流不留歲月逾感一朝千古春夢  
遽然豈圓十有七祀星霜瞥爾太速原念

往昔哀徹骨髓悲淚滂沱寤擗慟哭初營  
精舍正摸塊率內場諸集衆僧以迎龍華  
殘影願資冥福功德無量哀哀攬腸昊天  
罔極于時延寶丁巳冬十一月十四日參  
議從三位兼右近衛權中將源朝臣光圀  
謹言

碑誌

故從五位下東市正水戸大夫丹恭

子碑

公姓丹治諱信正字子直武州中山人也  
大父家範事於北條氏天正中守公王寺  
城而戰沒烈考信吉初仕東照閣下奉  
鈞旨為水戸侯傳表授從五位下拜備前  
守公奉仕台德閣下難波之役扈從征

旗彼軍之潰騎兵三百餘奮戰而走我卒  
三十許人畏懼其勢伏藏田畦公叱之曰  
汝曹見敵而伏何為怯乎於是衆卒連放  
鳥銃公單騎追擊之自是以降 閣下朝  
于京師無肯不從寬永元年特命為水戶  
大夫與父秉政朝野清平皆稱其善尋叙  
從五位下為東市正遂襲父祿任政有年  
既而患軟脚疾於是慶安五年請以致仕

薙髮號風軒公無子養弟信治為嗣公資  
質和順而沉剛清廉而慤實容貌魁偉膂  
力過人常慕古風最崇神道講政之暇時  
詠和歌又嘗為幼孫著書上本天理下至  
治國終謂兵凶器不得已而用之自始致  
事卜居於國城北北河原後又遷大曾濱  
都下諸士不敢憚遠而更候其門公迎待  
太渥者煮茶圍碁清談竟日為人所慕大概

如此相公龍衣封于水戶凡每就國屢顧問  
焉恩禮有加公壽登七十八十之歲必期  
生日親就其第賚几杖及繒帛設盛宴以  
賀焉其爲君所寵也亦如此公閑居養老  
二十餘年知死期之稍近而知其居僻遠  
而鉅細不便又歸都內踰年寢疾相公臨  
視之病劇遺言曰我死乃擇郭外不毛之  
地畫可方百步以葬之須周植以花木希  
有親戚朋友來過吟咏遣興使士風漸于  
溫雅矣明日遷於正寢着新衣衾奄然而  
終公生于文祿甲午十一月二十三日卒  
于延寶丁巳十月二十八日壽八十四賜  
謚恭子遂葬于北郭常盤岡銘曰  
夙從戰場赴赴維揚燮理邦域護衛社稷  
勳績已多剛毅又和肥遯致事閑居養志  
處仁而壽聲譽不朽

水戸府野傳撰文

鶴山野節篆額

中村義竹書

延寶戊午十月二十八日孝子從五位下備前守信治立  
故致仕鴻儒卜幽軒野先生碑

先生姓野名壹字道生號卜幽軒其先武  
州人見邑人也中葉遷居於丹波馬地父  
友德更移家于平安城慶長己亥三月先

生生于二條烏丸客舍叟多子同里柏原  
氏養先生為子柏原氏家貧先生既長教  
以俗事先生常傭書供養之及二十餘歲  
覺其業之不淑始學讀書日夜無怠至忘  
寢食於是就教授菅玄周載酒問字遂為  
鄉里所稱書生負笈者盈門京師貴戚豪  
舉就學者多柏原氏沒復其本姓其後羅  
山林夫子賜官暇還京師先生往受學子講

授無止。爾後彌親炙之。寬永戊寅始來于  
江都。仕水戶威公。侍講有年。其世子好學。  
善遇之。寬文辛丑。威公棄世。世子襲封水  
戶侯。先生年老。患眼疾。不能勤仕。占一地  
于郭外。開白賁園。築把茅亭。灌花種菜。自  
樂。水戶侯懇遇如初。先生無子。養其姪。子  
傳為嗣。自知其疾難愈。作白賁園記及歌。  
常語。子姪曰。我死。葬于此。故以此歌為臨

終之辭。戊申春。先生齡及耆希。致仕水戶  
侯。忝賜几杖及壽詞。事詳于行狀。嗚呼。是  
歲庚戌秋七月二十六日。奄然而逝。年七  
十二。臨終歌曰。白賁无咎兮。築園結樓武  
城。正北兮。杏壇以西。靜坐葦席兮。吟行蔬  
畦。孳孳得正兮。斃後何後。傳與同族節篤。  
等相議。以白賁園之下隰。相攸於其北隅。  
谷中邑。葬之以儒禮。建碑略記事實。



淨鑑院英譽宗巖武田君碑

碑高四尺潤壹

尺四寸厚九寸半為圭首方跗高壹尺三寸六分潤貳尺四寸貳分厚壹尺六寸碑石下餘四寸許容于跗上

君姓源諱信吉乳名萬千代東照公弟

五子故稱五郎母號下山越前守秋山虎

康之女君以天正十一年生初甲州武田

族穴山玄蕃信君屬公之部下累有勳勞

信君死無子公思舊勳愍其無嗣以君為

之後以若狹少將豐臣勝後女為妻君生

而多病常自暇逸慶長七年十一月封于

常州水戶八年九月十一日卒於水戶府

年二十一葬郭內佛寺君蚤世無後恐久

而佳城湮沒故移葬於太田鄉瑞龍山先

壙之旁

延寶己未九月十一日水戶侯源光園立

處妙慧了院達心日具碑陰圭首方跗碑高

三尺六寸半。潤壹尺貳寸半。厚八寸半。跗高九寸。潤貳尺貳寸。厚壹尺五寸。碑石下容跗三寸。

先姊諱通子。水戶侯源威公長女也。母圓理院佐佐木氏。寬永元年五月二十九日生。正保三年二月。納右大將藤道昭。聘結福。抵京未及。合塗而道昭逝。先姊守節寡居。幾二十年。寬文四年十月二十三日卒。于水戶府時年四十一。法號慧了院達心。

日真

水戶嗣侯源光圀立

源龜九碑陰

石高壹尺四寸。潤貳尺。厚六寸六分。跗高四寸。

潤貳尺五寸。厚壹尺三寸貳分。龜九君四歲卒。以其下殤不可用。碑因劬王文正公祖父墓誌之制。

水戶侯源威公之第一子。圓理院佐佐木氏所生。寬永五年十一月四日年四歲卒。法號本妙院。水戶侯源光圀立。

先考簡良子碑陰。以下八碑皆圭首。方跗。碑高三尺三寸。

寸九分、潤壹尺貳寸、厚八寸、趾高九寸、潤貳尺五分、厚壹尺五寸、

先考諱賴利、號主米、水戶侯源威公第六子、母證真院平木氏、先考生於寬永七年七月三日、卒於延寶二年十二月二日、年四十五歲、謚簡良、孝子賴道立

故叔父懿孝子碑陰

君諱賴以、號伊織、水戶侯源威公第八子、母丹波氏、號厚善院、寬永八年閏十月二

十九日生、寬文四年四月八日卒、行年三十四歲、謚曰懿孝、姪賴道立

先母圓理院法珠日意碑陰

先母氏佐佐木、諱勝生、於伊勢父五郎左衛門正勝、嘗仕織田信雄、後仕讚州太守生駒一正、冒母氏改藤川、先母事水戶侯源威公、生三男五女、寬文元年卒、丑六月朔日、卒於水戶府、享年六十一歲、法名圓

理院法珠日意

孝子從四位下行侍從兼刑部大輔源賴元

故庶母真善院妙相日有碑陰

庶母氏大井田諱七事水戶侯源威公生

二女明曆元年三月二十六日卒年四十

七歲法號真善院妙相日有

水戶嗣侯源光圖立

先祖母證真院妙貞日元碑陰

先祖母氏三木諱主奉仕水戶侯源威公

生先考賴利延寶三年四月二十七日卒

于水戶府享年六十八歲法號證真院妙

貞日元

承重孝孫賴道立

先母厚善院妙久日成碑陰

先母氏丹波諱愛事水戶侯源威公生賴

以及房時延寶戊午六月四日卒年六十

二歲法號厚善院妙久日成源房時立

故庶母長松院妙感日應碑陰

庶母諱自事水戶侯源威公生二女寬永十七年六月二十七日卒時年三十四歲法號長松院妙感日應 水戶嗣侯源光圀立

顯妣證智院法圓日慧碑陰

顯妣諱千水戶侯源威公第十女也母圓理院佐佐木氏寬永十二年正月二十五日生寬文三年二月下嫁于家父生景忠及一女子延寶九年三月二十三日卒于

水戶府時年四十七法號證智院法圓日

慧

哀子真木景忠立

高雲院日啓碑陰

嗚呼昔汝初生也延寶七年十月十六日時我在江府逮還水戶始見汝顏祝汝壽堅而久命名鍋千代然汝受壽不長九年六月二十六日三歲而夭終葬于稻置邑久昌寺日法號高雲院日啓母山本氏

阿翁羽林次將源九成誌

顯妣清涼院妙信橘氏碑陰

顯妣姓橘名以與父名連兼興正寺權僧  
正圓紹之弟也妣以正保元年十二月五  
日生于京師月日嫁家君天和二年八月  
二十九日卒于水戶府時年三十九法號  
清涼院妙信終葬太田瑞龍之旁

哀子源賴安立

顯妣長壽院妙證日禎碑陰

顯妣諱萬水戶侯源威公第二女也母圓  
理院佐佐木氏寬永四年正月八日生正  
保四年十一月下嫁于家父生資真及三  
女元祿二年正月八日卒于水戶府年六  
十三法號長壽院妙證日禎

哀子太田資真立

法稿牛菴畠山隨世碑陰

君姓源氏畠山幼名長八郎諱義高後改  
隨世號牛菴又稱桂菴義深十四世之孫  
也曾祖左衛門督昭高爲家臣遊佐政賢  
被滅城陷祖父長政幼而僅遁于泉州埴  
邑後薙髮名光安業醫居洛父光政剃髮  
名牛安繼醫業奉仕水戶侯君以寬永三  
年丙寅生教命嗣家爲醫寬文二年壬寅  
十二月朔叙法橋位娶山崎氏女生三男

三女而三男二女皆夭長女嫁于從五位  
下甲斐守永井尚申生采女直勇及二男  
二女君養彦坂氏子梁菴隨道爲嗣元祿  
六年癸酉四月二十七日卒于武州江戶  
小石川時年六十八葬于城北吉祥禪寺

源威公墓誌

府君姓源諱頼房小名鶴麻呂 東照公  
第十一子母正木氏左近太夫平康長女

公以侍女太田康資女母養之慶長十年  
乙巳封常州下妻十四年己酉移封同州  
水戸食二十八萬石累歷近衛少將中將  
參議任權中納言叙正三位寛文元年辛  
丑七月二十九日薨于水戸城年五十九  
謚曰威公葬於久慈郡太田鄉瑞龍山

水戸侯光圀誌

靖定藤夫人墓誌

太夫人姓藤原氏谷諱久子左馬助重則  
女事水戸威公生賴重光圀寛文元年卒  
丑十一月十四日卒武州豊島郡小石川  
郎年五十八謚曰靖定法號久昌院心周  
日勾葬于常州水戸城西經王教寺延寶  
五年丁巳十一月四日改葬久慈郡太田  
鄉瑞龍山  
水戸侯源光圀誌

哀父藤夫人墓誌



夫人姓藤原諱尋子稱泰公近衛關白左大臣信尋公女母藪權太納言藤原嗣良卿女承應三年甲午三月十二日下嫁於我萬治元年戊戌十二月二十三日薨于武州豐島郡駒込別墅謚哀文法號法光院圓空覺心以其月某日葬常州落城郡吉田山藥王教院側延寶五年丁巳十二月五日改葬久慈郡太田鄉瑞龍山

水戸侯源光園誌

覺林院圓譽心月元正墓誌

弟姓源諱房時小名武庫麻呂後稱主殿又稱權亮水戸威公第十子母丹波氏從四位下信濃守賴房女天和二年壬戌八月十九日卒于水戸第年五十法號覺林院圓譽心月元正葬久慈郡太田鄉瑞龍山

水戸侯光園誌

源重義墓誌

弟姓源諱重義稱武藏水戸威公第十  
子母興正寺權僧正昭玄女後家臣雜賀  
孫一即重次養為子冒姓穗積氏雜賀改  
孫三郎尋稱孫一即寛文八年戊申九月  
六日卒于武州豊島郡駒込旅館年三十  
二法名貞壽葬常州久慈郡太田郷瑞龍  
山

水戸侯光圀誌

青松院貞譽心光誓願墓誌

妹姓源諱布里水戸威公第八女母姓某  
氏某名旬寛文二年壬寅二月二十二日  
嫁于本多出雲守藤原政利七年丁未四  
月十二日卒于武州豊島郡江戸下谷第  
年三十五法號青松院貞譽心光誓願葬  
于同郡雲光教院天和三年癸亥二月某  
日改葬于常州久慈郡太田郷瑞龍山

水戸侯光圀誌

清雲院妙躰日布墓誌

妹姓源名市水戸威公第十二女母大井  
田忠兵衛源義能女寛文三年十一月二  
十七日下嫁家臣周防守酒井忠治生忠  
敬尼清山及三女元禄三年庚午正月四  
日卒于水戸第年五十二法號清雲院妙  
躰日布葬于久慈郡太田郷瑞龍山

水戸侯光圀誌

靖伯世子墓誌

男姓源初諱頼世小名松千代麻呂後稱  
右京兄讚州太守頼重第一子母少將土  
井利勝女寛文三年十二月十二日養為  
嗣叙從四位下任左近衛權少將嚴有  
公賜諱一字改曰綱方十年庚戌正月二  
十二日卒于武州江戸小石川郎年二十

三矣謚曰靖伯葬于常州久慈郡太田鄉  
瑞龍山  
水戸侯光圀誌

從四位下侍從源賴元墓誌

府君姓源諱賴元小名兒麻呂後稱丹波  
水戸威公第四子母佐佐木氏以寬永六  
年己巳七月十四日生于常州水戸城其  
爲人常嗜武講孫吳之法且好佛扣教禪  
之奧二十年癸未五月十八日始謁幕府

正保三年丙戌十二月晦叙從四位下任  
侍從兼刑部大輔寬文元年辛丑九月二十  
十六日食邑二萬石于常州娶小笠原右  
近將監源忠真女生二男六女曰賴貞從  
四位下大學頭曰政武出爲本多氏後從  
四位下中務大輔曰胤子嫁相馬彈正少  
弼平昌胤曰長子次次子次子在室曰幸松  
元三女次妾某氏生二男一女曰武之佐

賴愛曰、小三郎女曰彌次、元禄六年癸酉  
四月二十八日卒于武州江戸大塚、第年  
六十五、五月七日葬于常州久慈郡太田  
郷瑞龍山、生日親書法號、以遺諸笹筒、真  
源院靈方無外大居士云



孝子賴貞誌

